

金錄齋三洞讚詠議卷下

鳥四

金錄齋三洞讚詠儀卷下

鳥四

宋徽宗皇帝御製

通奉大夫守尚書右僕射兼書符郎程國清河郡國公西華縣公

玉清樂 一十首

地居天上接空居玉清樂萬象森羅遍八區

玉清樂功用不知誰主宰玉清樂絳霞丹霧

閱清都玉清樂玉清樂 右一

碧落空歌黍米珠玉清樂十方勃勃入無餘

玉清樂聞經慶喜難言說玉清樂九色龍騰

八景輿玉清樂玉清樂 右二

羽童呼吸辟非煙玉清樂煙氣徘徊綠室前
玉清樂造化不從身外得玉清樂自根自本
即三天玉清樂玉清樂 右三

帝景相將會玉洲玉清樂明真層觀紫雲浮
玉清樂掣開三八黃金鑠玉清樂無極虛皇

鳥四

在上頭玉清樂玉清樂 右四

白玉飛符下紫庭玉清樂華旛三舉召羣靈
玉清樂攀條咀嚼空青藥玉清樂五體金光
射日星玉清樂玉清樂 右五

遠昌臺下海揚波玉清樂得道高真始得過

玉清樂下格小仙追莫及玉清樂邕邕遙聽
八鸞和玉清樂玉清樂 右六

五色雲營鬣鬣屯玉清樂三三洞戶敞瓊門
玉清樂何方道士通朱表玉清樂玉女飛函
達上尊玉清樂玉清樂 右七

上景三元妙色精玉清樂絳宮久已列仙名
玉清樂更從大混存雌一玉清樂縹緲雲車
駕羽明玉清樂玉清樂 右八

真陽館裏氣徘徊玉清樂升降三宮密往來
玉清樂生死不忤浮世事玉清樂相將五老

上金臺玉清樂玉清樂 右九

三華太素自然生玉清樂空裏芙蓉灼灼明
玉清樂絳室金房虛寶座玉清樂大微童子
下相迎玉清樂玉清樂 右十

上清樂 一十首

鳥四

二

紫清天上育華林上清樂絳實朱柯竹葉深
上清樂咀嚼繁英身不老上清樂下觀烏兔
換光陰上清樂上清樂 右一

元君八炁號青靈上清樂錦帔飛裙住玉城
上清樂把握帝符司道籍上清樂拔除塵累

濟羣生上清樂上清樂

右二

高上皇人宴紫霄上清樂擷芳常引八鸞條

上清樂肌膚表裏瑠璃徹上清樂映照三塗

萬苦消上清樂上清樂

右三

九日宮中四老真上清樂廣霞山上宴仙賓

上清樂鳴鐘鼓瑟行靈醕上清樂碧落融融

別有春上清樂上清樂

右四

浮絕山連白玉京上清樂金華樓共日華明

上清樂五真結就圓珠炁上清樂骨侶丹瓊

貌侶嬰上清樂上清樂

右五

秀華峯下五靈都上清樂元景袖君握化樞
上清樂真火有功能造物上清樂銷鎔五毒
出陰途上清樂上清樂 右六

赫赫瞳瞳日九輪上清樂六淵宮殿紫元君
上清樂霞冠錦帔端居暇上清樂披拂祥煙

馬四

三

著赤文上清樂上清樂 右七

佳炁青葱覆紫空上清樂青精羽駕命元童
上清樂逆風浩蕩三千里上清樂七返香煙
處處通上清樂上清樂 右八

流汨池中六寶蓮上清樂開花十丈映池泉

上清樂嗅香飲水無飢渴上清樂綽約金華
葉上仙上清樂上清樂 右九

萬仞霞山峙玉虛上清樂四司冠劍護靈都
上清樂衆真稽首持天禁上清樂腰佩仙皇
逸錄符上清樂上清樂 右十

太清樂一十首

太一元君掌列仙太清樂彤暉絳彩射芝田
太清樂功圓會遇刊名籍太清樂可但洪崖
笑拍肩太清樂太清樂 右一

五節清香半夜焚太清樂天人玉女盡遙聞

太清樂味同炁合遙相應太清樂絳節霓旌

下五雲太清樂太清樂 右二

太極元君翠翻車太清樂萬魔奔走聽神符

太清樂九龍縱步齊驤首太清樂時見空中

吐火珠太清樂太清樂 右三

藥珠宮裏七言成太清樂十一神君一一名

太清樂雲擁蒼虬歸火府太清樂風隨素虎

出滄瀛太清樂太清樂 右四

金闕明光後聖君太清樂流津煥彩結丹雲

太清樂不因太上相傳授太清樂安得人間

有玉文太清樂太清樂 右五

元景巖巒聳太空太清樂彭彭仙室在霞中

太清樂九靈變化俄離合太清樂羽駕飄飄

不可窮太清樂太清樂 右六

東井中涵皓月精太清樂羣龍奮搦運金甕

馬四

四

太清樂仙人灌沐知何代太清樂唯見玻璃

透骨明太清樂太清樂 右七

渺渺三津繞帝川太清樂川連紅霧霧連天

太清樂玉靈仙母時遊息太清樂侍衛森羅

日月駟太清樂太清樂 右八

九靈玉館接崑崙太清樂山隔流剛不可親
太清樂囑付紫蘭令說與太清樂紅塵何苦
弊精神太清樂太清樂 右九
左右靈飛運甲庚太清樂琳房八景鍊華精
太清樂常陽宴罷歸何處太清樂擲火流金

事尅成太清樂太清樂 右十

步虛詞一十首

太極分高厚 輕清上屬天 人能修至道

身乃作真仙 行溢三千數 時丁四萬年

丹臺開寶笈 金口爲流傳 右一

大梵三天主

虛皇五老尊

尚難窺微妙

豈復入名言

寶座臨金殿

霞冠照玉軒

萬真朝帝所

飛鳥躡雲根

右二

濛濛如細霧

冉冉曳銖衣

妙逐祥煙上

輕隨綵鳳飛

幾陪瑤室宴

忽指洞天歸

竚立扶桑岸

高奔日帝輝

右三

旋步雲網上

天風颯爾吹

飄裾凌斗柄

秉笏揖參箕

獅子銜丹綬

騏驎導翠輜

飛行周八極

幾見發椿枝

右四

綠鬢頽雲髻

青霞絡羽衣

晨趨陽德館

鳥四

五

夜造月華扉

搏弄周天火

韜潛起陸機

玉房留不住

却向九霄飛

右五

昔在延恩殿

中宵降九皇

六真分左右

黃霧遶軒廊

廣內尊神御

仙兵護道場

孝孫今繼志

咫尺對靈光

右六

寶籙修真範

丹誠奏上蒼

冰淵臨兆庶

宵旰致平康

萬物消疵癘

三辰效吉祥

步虛聲已徹

更詠洞玄章

右七

宛宛神洲地

巍巍衆妙壇

鶴袍來羽客

鳧舄下仙官

玉笋斟元醴

琅函啓太丹

至誠何以祝

四海永澄瀾

右八

水噴魔宮懾

燈開夜府明

九天風靜嘿

四極烝澄清

嘯咏朱陵曲

翱翔白玉京

至誠何以祝

國祚永安榮

右九

華夏吟哦遠

人聲自抑揚

沖虛歸道德

曲折合宮商

殿閣沉檀散

樓臺月露涼

至誠何以祝

多稼永豐穰

右十

散花詞

一十首

絳節徘徊引

天花散漫飛

高真無染著

片片不沾衣

右一

八陛旋瑤級

千花颺錦英

綠渟并紫柝

煥麗不知名

右二

淺淺黃金萼

勺勺白玉英

天風隨御駕

吹滿九重城

右三

綽約縈空際

繽紛落座隅

韶華長不老

鳥四

何處覓仙都

右四

淨侶吟仙曲

人人讚善哉

萬花興供養

飛舞自天來

右五

寶葉開琪圃

珍柯在紫微

不教蝴蝶採

長共綵鸞飛

右六

六

聖境三千歲

仙花始一開

如何金籙會

併奉列真來

右七

几席延颺馭

香燈建寶壇

丹心無可獻

碎錦灑雲端

右八

碧綠相差次

紅黃迭淺深

化工應自失

雕斲本何心

右九

洞案爐煙起

無為道德香

同根無異氣

噴鼻更芬芳

右十

白鶴詞

一十首

胎化靈禽淚九天
雪毛丹頂兩相鮮
世人莫

認歸華表來瑞昇平億萬年 右一

瑤臺風靜夜初分仰喙驚鳴露氣新太液徘徊歸未得曾於往劫作麒麟 右二

靈鶴翩翩下太清玉樓金殿曉風輕昂昂不與雞為侶時作冲天物外聲 右三

三山碧海路非遙來瑞清都下紫霄霜雪羽毛冰玉性瑤池深處啄靈苗 右四

高四

七

金火純精見羽儀長隨王母宴瑤池玉壇夜醮神仙降飛過緱山人不知 右五

五雲宮殿步虛長斗轉旋霄夜未央白鶴飛

來通吉信清音齊逐返菟香
右六白鶴飛
一聲嘹唳九臯禽換骨輕清歲月深遼海等
閑人不識大羅天上有知音
右七
白毛鮮潔映霜華丹頂分明奪絳紗千六百
年神炁就飛鳴長伴玉仙家
右八

蓬萊會散列仙歸羽駕飄然白鶴飛明代爲
祥人慣見何須樂府詠金衣
右九

玉宇沉沉瑞霧開香風未斷鶴徘徊竒姿會
與青田別定是仙人次第來
右十

金錄齋三洞讚詠儀卷下

